

陳掌謬 著

奧林比克詞選

臺灣商務印書館發行

陳掌謬著

奧林比克詞選

臺灣商務印書館發行

中華民國六十一年三月初版

奧林比克詞選 一冊

定價新臺幣三十五元正

著者 陳 掌 謬

發行者 臺灣商務印書館股份有限公司

版權所有
翻印必究

印刷及
發行所

臺北市重慶南路一段三十七號
臺灣商務印書館股份有限公司

登記證：內版臺業字第〇一三號

奧林比克詞選

張其昀

序

旅菲華僑教育家陳掌調幼穆先生，余之老友也。蓋自余任教育部長時，聘爲學術審議會委員，兼長籌設中之體育研究所，今忽忽已十餘年，譽望益隆，著述愈富，尤以詞曲擅名當世，吐經綸於天籟，宏大漢之天聲，思綿綿而無盡，辭滔滔而長流，其在文壇之地位，喻如奧林比克之持炬者，發揚華學，振翼南天，環顧海內外之學人，誠鮮見其儔侶焉。

幼穆福建廈門人，現年七十有三，旅居菲國已五十載。民國八年代表我國出席第四屆遠東運動會十項比賽，聲譽蔚起。旋留學菲美，迭獲體育，埋學，教育等學士，及教育碩士。歷任暨南，清華，廈門，南洋諸大學教授，訓導主任等職。創辦中華體育，今日體育，亞洲體育雜誌等，著書五十餘種，都數百萬言。闡揚我國體育文化活動，使世界人士咸知中國古今之體育文化，向不後人，如是者幾四十餘年，各國體育學術權威，均認幼穆爲體育界之瑰寶。

民國五十一年，美國威廉體育大學贈幼穆以榮譽體育博士。翌年美國全國體育學術院推選爲院士。又自民國十六年以來，先生代表我國出席遠東，亞洲，世界等運動會，與各項國際體育協會及體育醫學等會議，諱論遠播，舉世所稱。中華學術院鑒於幼穆高風亮節，盡瘁教育，對東西文化之交流，與世界和平運

勳，宣傳策劃，貢獻良多，於五十八年五月贈授名譽哲士，以示崇敬。

幼穆憫吾民族之積弱，乃寓體育於詞章，以期深入民間，移風易俗，作中興之鼓吹，奠建國之宏基。前後填詞達五千餘首，風格豪華，壯懷激烈，兼有香山東坡之平易，與稼軒放翁之雄風。其中千首專詠奧林比克運動會之史績，尤為吾國詞壇放一異彩。雲霞傳天，異彩同爛；花萼發樹，殊色互妍。西方佳話，製為新篇，清詞麗句，超邁前人。民國五十七年，世界運動會在墨西哥舉行，國際保健體育休閒活動協會，推聘幼穆為亞洲體育版總編輯兼發行人，其才識為國際所引重，可以概見。今春返國，受聘為中華學術院亞洲體育研究所長 (Asian Research Institute of Health Physical Education and Recreation)，行將漫遊各國，訪問同道，集款建設華岡體育館，以為開展工作之基地。深信今後，其對國家，亞洲與國際體育文化之貢獻，定將遠勝於往昔。茲值其新著奧林比克詞選刊行之際，特綴數語，為之執轡，所欣慕也。

自序

陳掌譯

欲研究希臘之歷史。由其事實之演進，必先考其民族之風俗、宗教、政治、及經濟、文化、藝術之淵源，乃為史家所研究之依據。希臘歷史之流傳於後世者，實以奧林比克運動會之傳統精神，被認為現代希臘文化之基石。故欲研究希臘興亡之歷史，應先研究奧林比克運動會之盛衰。希臘舉行奧林比克運動會，蓋欲使人民鍛鍊體魄，振刷精神，至其在政治、宗教、教育、經濟、文化、藝術之演變，亦以此時為隆盛，故終能戰勝波斯。後為馬其頓羅馬所敗，民氣不振，道德淪亡，奧林比克運動會亦與之俱衰矣。希臘之興盛，肇自公元前七七六年，亦即奧林比克運動會初創之年，聯合一五八城國，舉行奧會至二九三屆，自公元前七七六年，至公元三九三年，歷一一六九年之悠久歷史。

希臘奧林比克運動會歷史，可分為三期：一、由公元前七七六年，至公元前三三八年，為希臘獨立及教育、宗教、政治、經濟、文化、藝術、體育最盛時期。二、自公元前三三八年，為斐立王在開羅涅阿戰勝希臘之年。公元前三三六年至公元前三二三年，又為亞歷山大大帝戰勝之世，至公元前一四六年，希臘各城國已併入亞歷山大帝國，希臘既喪其自由，教育、宗教、政治、文化、經濟、藝術、體育之興盛及運動會之繁榮，已不屬於希臘運動會，希臘奧會之精神，已無復有希臘之靈魂在焉。三、由公元前一四六

年至公元三九三年爲羅馬統治希臘時期，奧會停止百年未舉行，當此期中，希臘教育、宗教、政治、文化、經濟、藝術、體育遠不如從前，運動比賽，已形成職業化，所謂「愛道斯」之真正體育精神，已蕩然無存矣。希臘以提倡體育，舉行奧會，旨在鼓勵全國人民，獲得健康體魄，合羣奮鬥，藉以抵禦外敵。詩歌、音樂、舞蹈、演說、建築、彫刻、圖書、科學諸家，莫不薈萃於雅典。後以各城國，互相攻伐，自相摧殘，降低實力，終不免爲斐立所敗，亞歷山大所亡，更爲羅馬所滅也，今之視昔可戒也夫。

當第五世紀中葉，雅典爲希臘中心，珀勒克勒 (Pericles) 主其政，被認爲雅典政治領袖，主張民主政治，亦即執行民治之第一人。雅典既爲政治中心，又爲文化首都。希臘人士對藝術本饒靈感，審美能力，修養精神，與欣賞文學天性，造成世界文化史上之卓越成績，藝術人才輩出，稱爲希臘史上最光榮時代。演說家如克勒翁 (Cleon) 與狄摩斯提斯 (Demosthenes) 之滔滔雄辯，拜薩戈刺斯 (Pythagoras) 與蘇格拉底 (Socrates) 之哲學，普拉圖 (Plato) 之創立新學說，使我人有所遵循。希波克刺忒斯 (Hippocrates) 之醫學，索縛克勒斯 (Sophocles) 之戲劇，皆爲現代之碑石。藝術如油畫、建築、彫刻，亦著有成績。斐狄阿斯 (Phidias) 之主神彫塑，彌薩 (Myron) 之維納斯美人傑作，珀爾維得爾 (Pelvidere) 之阿波羅彫像，足使吾人想像希臘美術之造詣。藝術家所雕琢之神態，高貴寧靜之人體像，每於體育場，軍隊兵營，神聖舞蹈與歌舞隊，得以觀察美妙之裸體姿勢，藉以研究，而思有表現之，後代彫刻人體模型者，決不能有如是之神工鬼斧也。陶器美術以繪圖人體，運動寫真，最爲美觀。油畫花瓶黑紅兩色，至今猶被推崇。畫圖名家唯克斯 (Xeuxis)、普利西阿斯 (Parhasius)、阿珀勒斯 (Appelles) 皆稱神技。希臘文化美術被尊爲師承，洵非無因。體育詩歌之勃興，文學貢獻之偉績，實由斌德

詩人 (Pindar) 壯懷激烈，悲歌慷慨，燦爛文章，罕有倫比。斌德熱情於戰爭文藝，寓體育於勝利歌，實基於荷馬時代之伊利阿狄 (Iliad) 與奧底修 (Odyssey) 兩詩史，專述荷馬時代之希臘人與吐真戰爭歷史。當時英雄出殯，祭神遊行，舉行運動會為最輝煌節目。希臘既承傳統祭典，經千年而不絕者，由公元前一千一百年，開始運動會比賽，公元八八四年，厄勒王召集各城國代表，恢復奧林比克運動會。公元前八二零年，再由斯巴達法學家呂沽顧斯 (Lycurgus) 編製奧會會章。公元前七七六年，正式復興第一屆奧林比克運動會。每隔四年，舉行一屆，計一九三屆，凡歷一一六九年。此種悠久史上最光榮運動會，更為現代各國所仰慕，由法國教育家古伯丁 (Baron Pierre De Coubertin) 首創現代奧林比克運動會，於一八九六年在希臘雅典舉行，至一九六八年，最後由墨西哥廣續，經七十二年，其中三屆因第一次世界大戰未能舉行外，計有十六屆，總稱為十九屆。一九二六年柏林奧林比克運動會，在希特勒執政之下，表現輝煌卓績。二次世戰後，倫敦接受舉行，赫爾辛基、墨爾本、羅馬、東京、墨西哥相繼開幕。墨西哥奧會之盛舉，更超過理想，其民族文化淵源與人民熱誠招待，使世界人士褒揚再三。一九七二年輪到慕尼黑。第二十屆奧林比克運動會之空前盛典，正待來臨。作者考古古代之史績，研現代之事實，不揣鄙陋，聊盡棉薄，敢步斌德 (Pindar) 詩人 (勝利歌四十四首)，西摩尼得斯 (Simonides) (十三首勝利歌)，寫古今奧林比克運動會詞，編成專輯，計九三四閱，以紀其盛。全輯分七集：即奧運詞、澳洲詞、羅馬詞、扶桑詞、墨京詞、亞運詞、曼谷詞。

奧運詞之作倘能藉此以振奮民心，維揚武德，使我中華健兒，他日在奧運場上，揚眉吐氣，進而至世界大同，尤所馨香以祝之也。辛亥一九七一年十一月十一日書於菲律賓靜遠軒

奧林比克詞選

目 錄

序		一
第一章 奧運詞		一
第一節 古代奧林比克運動會詞		一
第二節 希臘奧林比亞紀遊		一二
第三節 現代奧林比克運動會詞		二七
第二章 澳洲詞		四一
第三章 羅馬詞		五九
第四章 扶桑詞		九一
第五章 墨京詞		一〇七
第六章 亞運詞		一五三
第七章 曼谷詞		一七五
跋		一九〇

第一章 奧運詞

THE OLYMPIC ODES

(一) 古代奧林比克運動會詞

The Olympic Games Foreword

鶯啼序 自序 Foreword

蓬萊地靈嶺秀·擁愛琴蒼翠。波影漾，寶島輝煌·嬌楊龍柳羅綺。更熟了葡萄·紅了櫻桃·橄欖華飄纒。問當年，三代鼻雄，幾人英偉。雅典名城·松山險壘·逐鹿斜陽裏。正潮撼波斯·繡纜樓船萬里。聽奧林，胡笳戍角·未上陣，雄心先醉。看健兒，肉搏威風·歡呼如市。翔麟踵驥。倚鹿轡軒·蓮炬接寒水。慨疇昔，那知興廢。到今猶聽歌聲·遺音疊疊。詩翁清韻·髻鬟才藝。金人燦爛麒麟閣。錦衣歸，鑼鼓動天地。千杯共醺。粉紅眉黛情深·空負又秋風起。沉思斐勒·鐵騎成羣·滿城旄幟。拋玉餅·擲銀槍·拚得一生豪氣。揚鞭里諸風流淚。回首希羅·蹤跡都如此。可憐一灼金甌墜。憶奧林，今古疆場戲。騷人有恨填詞·聊序鶯啼·敢傳青史。

翠樓吟

緒言 Introduction

歲月如流·光陰似箭·丹青史詩猶記·三千年韻事·念希臘·河山飛翠·奧林高峙·看
黑海汪洋·千城青麗·秋香吹·萬葩嬌放·慢歌聲倚·此會·名士風流·又有翠江秀·泛
游滋味·低回瞻望久·嘆宏業·悠悠堪說·場中遊戲·仗體育精神·男兒豪氣·東風外·一
簾花絮·美人嬌醉·

滿江紅

發源 Olympia

威武當年·新壘固·凱歌消息·成霸業·波斯埃及·嘆非今昔·宮殿英雄揮角力·康莊
大逞驕蹄疾·翠海深·明月泛樓船·春潮急·愁往事·寒蟄泣·懷偉績·空餘迹·但斜陽衰
柳·斷橋殘笛·橄欖花殘秋露冷·荒台頽閣歌聲寂·到而今·只有奧林青·愛琴碧·

桂枝香

組織 Organization

金風翠竹·正氣爽秋涼·紅葉芬菊·希臘千峯爛漫·百城華簇·健兒舞袖斜陽裏·壯山
河·旌旗高矗·彩船飛渡·沙場角力·畫圖迷目·念自昔·英雄逐鹿·嘆雅典樓台·科林
江國·賢哲詩人薈萃·古今榮辱·三朝金粉流春去·但天山·芳草猶綠·奧林長碧·丹青錦
繡·幾回歌曲·

望海潮

文教 Education

羣峯飛絮，清波沉璧，蘭堤花岸吹香。鷺閣燕亭，鴻門畫壁，蓬萊壯士洋洋。蘇格拉文章。普拉圖輕步，經典梭郎。亞里斯多，扣鐘抵掌亦昭彰。呂森繡合皇皇。愜青年肉搏，摔角疆場。雅典管絃，開娥舞袖，依稀無限淒涼。童子牧牛羊。嘆豪華百世，幾代流芳。休問黃金史館，滿目看興亡。

滿庭芳

藝術 Arts

雅典吹花，科林飛絮，得羅綠水紅妝。阿戈神技，秋色繁征鴻。涅槃將離燦爛，西西里，皓月清風。斯巴達，娥眉壯士，撼動愛琴洋。憑高山悵望，銀霞碧樹，多少風光。問殿前歌舞，重聽笙簧。縱有金人彫刻，終不似，斌德文章。誰知道，清歌圖畫，却是赫蘭娘。

掃地遊

會場 Stadium

奧林窈窕，看秀壑銀霞，挂虹烟樹。層波翠縷。正蒼松浪起，里城花舞。盛會笙簧，赴男兒幾許。夕陽處。望場上斷碑，無限風雨。遙思神廟古。記往日娥眉，彩旗簫鼓。木蘭獨步。任丹青細寫，墨人題句。瞻目消魂，寂寞而今乏主。謾凝眸。憶當年，替修詞譜。

緣 意 建築 Construction

棋盤郁郁。百里名勝地。誰畫芳谷。神島瑤池。芳岸齊雲。中有烏啼修竹。高樓繡閣香烟鎖。但仰首，希南希北。憶落星，門角鉤心。夢繞奧林娥綠。猶記皇宮燦爛。綺羅飛玉燕。連理花簇。燭影花紅。簫鳳歌聲。盡入錦波金谷。低回極目蓬萊外。又却嘆，夕陽喬木。倚碧欄，場上英雄。正是驕驕馳逐。

南 浦 祭典 Ceremony

如此碧河山。看綠波，秋光一片花絮。嬌紫動清香。奧林上，飄擁彩旗無數。英雄鶴立。凱歌聲似流鶯語。幾回勁旅。誰奪得金冠。捷如龍虎。追思往事艱忘。記斌德多情。題詩南浦。普勒克思潮。風流地，都付斷雲殘雨。斜陽殿裏。嘆當年健兒豪舉。但聞杜宇。空悵望淒涼。而今何處。

念 奴 嬌 秩序 Programme

奧林城上。又旌旗飄動。中秋時節。橄欖葡萄都熟了。一枕亞罕寒怯。三代英雄。揚鞭駿馬。肉搏疆場決。悲歌慷慨。古今騷客能說。遙想帝子風流。留連三捷。角力黃沙月。

虎劍揮戈爭勝負，龍盾鳴弓千發。拚得榮冠，金尊玉譙，院裏棕枝折。人生如夢，愛琴多少豪傑。

海天闊處 裁判 Judge

淡煙輕霧清秋，一天浪靜山明秀。吟香醉雨，挂帆逐岸，飄風舞柳。依里斜陽，奧林場上，健兒身手。把銀槍燦爛，轡軒馳騁，英雄會，羣龍鬥。休說精神傳授。歷三朝，蜚聲如舊。厄王主判，萬人從令，百城爭驟。聖諭悠悠，丹青麟閣，至今回首。嘆千秋記取，清波皓月，照人還又。

揚州慢 選手 Contestants

海勒斯滂，特羅名勝，戰船八百長征。看琴波色翠，又黑海天青。記希臘，風流恨晚，斷垣頽閣，猶厭重登。但沙灣胡角，凱歌吹透千城。劫灰塞普，問當年，誰是人英。奈豪傑男兒，揮戈喋血，不顧餘生。三百烈魂仍在，波斯甕，月黯無聲。念黎王碑石，千秋勳蹟揚名。

金縷曲 獎品 Prize

希臘風流地。擁芳城，天山望遠，主神尊秘。聞道奧林秋光好，豪傑疆場韻事。奏歌凱

，笙筋清麗。贏得榮冠紅衣艷。鬥西風，撼動橫雲碎。醇醪酒，虎龍會。飛輪捷足英雄氣。彩旗飄，前驅後詠。殿中圖繪。燦爛金人人爭羨。南國嫦娥黛翠。又正是，嬌花嬌意。開遍江邊香千里。算男兒，笑共燕台醉。回首處，幾千歲。

意難忘 凱歌 Epinikia

四顧輝煌。望奧林美矣。雲出止簷。紅霞連雁影。橫翠點眉長。嬌柳細，碧松蒼。都付畫圖藏。待試展，丹青細讀。燦爛文章。清歌贈別紅妝。記吳謳夏舞，折柳流芳。千春暉易逝。百代已堪償。陽關曲，斷人腸。白笑却疎狂。也無聊，換宮改羽。且意難忘。

虞美人 職業 Professionalism

英雄場上榮冠戴。肉搏廬山改。黃金贏得更威風。長伴肩簷高閣月明中。靈魂出賣何慷慨。銅像依然在。尚君能有幾多愁。滿面春風却又付東流。鹽場逐角無人敵。寶座誰堪匹。凱歌伴奏數三千。依舊醉迷美女似當年。榮冠不解風頭好。空恨春光老。奧林殿裏月三更。兩鬢冷霜殘雪一生輕。

六州歌頭 羅馬 Rome

雄爭霸業。功績赫然成。雅典墜。波斯碎。震威名。不平鳴。追想當年事。軍百旅。騎

千數。東印度。西歐土。主邦盟。惆悵風流。蓋世英雄概，玉勒縱橫。戰場爭。台上舞，一曲淒清。四座豪評。亦人英。念依里樹。香烟霧。驛驕步。凱歌聲。天際起。山河翠。耀光榮。亞果青。橄欖花冠綠。嬌如玉。又羅京。明月皎。瓊林好。憶長征。麒麟雕輪。捷足人爭羨。快平生。但瘡痕滿目。腸斷氣填膺。有淚難傾。

奪錦標

賽跑 Foot Race

琴海衣山。銀河繡練。一抹秋容如拭。十世年來韻事。騷客詞翁。凱歌功績。問男兒幾許。念當日，花冠臨額。到而今，雅典金人。帶着英雄魂魄。誰記阿兒赫赫。捷足飛鷹。憑達史光榮堪憶。勅澳尼斯壯士。三四蟬聯。數奇勳勛。展丹青細讀。又依稀，松山消息。憑闌干，普拉台阿。萬古千秋長惜。

渡江雲

跳遠 Long Jump

奧林秋色好。清輝玉彩。畫角急流潮。柳絲牽碧樹。壯士情長。細雨送征橈。停雲斷處。又長亭，綠到魂銷。猶記得，風流惆悵。豪氣美人嬌。飄飄。沙場執戟。將領揮戈。算梟雄榮耀。想奧林，羣英低首。虎門龍跳。千年紀錄無人破。到如今，空憶韶朝。歌漸渺。遺音猶聽吹簫。

水調歌頭

鐵槍 Javelin Throw

醉擊密羅石，寫恨普羅揚。英雄往事千載，青史渺茫茫。馬上流星破葉，柳下連三跨步，怕聽奏笙簧。惹起愛琴月，希臘惱人腸。奧林花，歌舞地，永難忘。序資盛會，銀槍飄動逐雲揚。豪傑疆場西去，壯士臨波東駐，留得古今香。故國且回首，襟袖淚淋浪。

玉樓春

鐵餅 Discus Throw

窈窕碧山雲石片。明玉琢成圓似扇。斜陽柳色鬧西風，滿地落紅花燦爛。空解清秋飛紫燕。鸞鏡朱顏驚暗換。奧林寶殿醉金尊，不是華佗長不見。

青蔥指甲纖纖撚。希臘娥眉花袖捲。月明一片落荷田，香溢波光芳粉面。登場輕拋揮紅腕。紀錄輝煌身百戰。詩人惹殺百篇詞，寫入丹青春色滿。

風入松

角力 Wrestling

戴風和月幾行程。希臘健兒英。青山綠水棕林地，碧嬌柳，千丈柔情。歌盡天涯芳草，寸心無限啼鶯。場中豪氣萬人驚。依舊不平鳴。蛟龍波上參差舞，嘆平生，壯志長征。斌德麗詞惆悵，殿前一夜成名。